

# **Вольбы до органів самосправних країв**

## **Інформація о умовах права волити і права быти воленый**

**Вольбы до органів самосправных країв будуть  
в суботу 29. жовтня 2022 од 7:00 до 20:00 год.**

### **Право волити до органів самосправних країв**

Право волити до органів самосправних країв мати обчан Словацької республіки ай чуджінець, котрый мати місто стабілного бываня в селі/місті, котре патрить до самосправного краю, або мати місто стабілного бываня у воєнськім обводі, котрый патрить на учелы волеб до органів самосправного краю до ёго уземного цілку (дале лем: „жытель самосправного краю“) і найнескоршэ в день волеб досягне вік 18 років.

Прекажков права волити є законом окліщене обмежіння особной слободы з доводу охраны верейного здравя, кеды особітны закон в часі пандемії не встановить інакшэ.

### **Право быти воленый до органів самосправних країв**

За посланця заступительства самосправного краю може быти зволеный жытель самосправного краю, котрый мати місто стабілного бываня в селі/місті, або у воєнськім обводі, котры належать до уземного цілку волебного обводу в котрім кандідує, а найнескоршэ в день волеб досягне вік 18 років.

За председу самосправного краю може быти зволеный жытель самосправного краю, котрый найнескоршэ в день волеб досягне вік 25 років.

Прекажков быти воленый є

- выкон тресту однятя слободы,
- правоплатне одсуджіння за умыселный трестныі скоток, кеды одсуджіння не было загладжене,
- позбавління способности на правны діла.